

Kapodaster:
3. Bund in G.

REGA

Musik & Text: Roland Schwab

B \flat B \flat /A \flat Gm7*

1. Isch's e Wir - bel, ischs es Bei___ wo öp - per bro - che het?___

5 E \flat F

Isch's es Au - to, isch's e Töff,___ wo d'Kur - ve nid het breicht?___

9 B \flat B \flat /A \flat Gm7*

Isch es ds'Gro - si, isch es Tan - te wo schnäl - li Ret - tig bruucht?___

13 E \flat F

Isch es d'Frün - din, isch's dr Brue - der wo am Bärg e Sturtz het gha?

Refrain

17 Gm F E \flat B \flat

Flügt ir Luft der He - li - kop - ter, ghörsch ne scho vo wyt. ___ D'Re - ga

21 Gm E \flat F

isch's, jetz gseh'n is ^{guet,} guet, d'Farb isch ty - pisch rot und wyss.

25 Gm F E \flat B \flat

Flügt ir Luft der He - li - kop - ter, ghörsch ne scho vo wyt. ___ D'Re - ga

29 Gm E \flat F

isch's jetz gseh'n is d'Farb isch ty - pisch rot und wyss.

"1414 das muesch wähle, we bir Rettig d'Rega nid söll fähle!"

2. Ds Knatter vom Motor isch luut,
dä Ton, dä kenn i guet.
Mit verbundne Ouge wüsst i,
d'Rega isch's, das weiss i gnau!
Ds Dräje vom Rotor git Luft,
my Chappe flügt dervo.
Der Heli landet uf em Bode,
dr Pilot, dä cha das guet.

**Ref. Flügt ir Luft der Helikopter,
ghörsch ne scho vo wyt.
D'Rega isch's, jetz gseh is guet,
d'Farb isch typisch rot und wyss. (2x)**

3. Schtygt e Ma mit rote Chleider
usem Heli us.
Und d'Frou Dokter mit dem Koffer
gumpet hinde na.
Schnäll wird gholfe bis der Heli
startet höch id Luft.
Und scho flügt die gueti Rega
Richtig Stadt und ids Spital.

**Ref. Flügt ir Luft der Helikopter,
ghörsch ne scho vo wyt.
D'Rega isch's, jetz gseh is guet,
d'Farb isch typisch rot und wyss. (2x)**